



Aningaasaqarnermut Naalakkersuisoq

Ulloq: 20. december 2018
J.nr.: 01.31.06/18-00829

Aningaasaqarnermut Akileraartarnermullu Ataatsimiititaliap marlunngornermi ulloq 18. december 2018-imi aalajangiussaa pillugu Naalakkersuisunut ilisimatitsissut

Majoriarmi atuinikinnerusimanerit kingunerisaannik kontumi pingaarnermi, 20.11.56 Missingersuutinik iluarsinerit, allaffissorneq, aningaasanik atortussanngortitsineq nunattalu karsianut aningaasanik utertitsinerit.- Suliaq nr. 01.31.06/18 - 00829.

Naalakkersuisut inassutigaat,

kontumi pingaarnermi, 20.11.56 Missingersuutinik iluarsineq, allaffissorneq, aningaasaliissutit 3.463.000 kr.-nik ilaneqassasut, aamma

kontumi pingaarnermi, 67.02.05 Majoriaq, aningaasaliissutit 4.963.000 kr.-nik ilanngarneqassasut,

1ST-mi angusassatut missingersuutaasut 1.500.000 kr.-nik pitsanngortinneqassasut."

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

2018-imi 15 mio. kr.-it pallillugit atuinikinnerunissaq naatsorsuutigineqartoq Naalakkersuisunit paasissutissiissutigineqarpoq, tamannalu qulaajaanermik, sannavinni inuussutissarsiuutigullu ilinniartitaanermut tunngasunik sulianik aallartisaanissamik kommunit unammilligassaqaarsimanerannik tunngaveqartoq.

Sammisani oqaatigineqartuni ingerlatsiniarnikkut taamak annertutigisunik ajornartorsiuteqarneranik nalunaaruteqarneq ataatsimiititaliamit iluarineqanngilaq. Ajornartorsiutit sorpiaat tamatumani pineqarnerisut itisiliivigeqqullugu Naalakkersuisut ataatsimiititaliamit qinnuigineqarput. Naalakkersuisut qanoq iliuuseqarsimappat – ajornartorsiutillu paasineqartut iliuuseqarfigiumallugit Naalakkersuisut siumut isigisumik qanoq iliuuseqarpat? 2019-imut Aningaasanut inatsimmi aningaasaliissutitut immikkoortitat atugassiissutigineqarnerannut sunniuteqartumik assingusunik ajornartorsiuteqarnissaq Naalakkersuisunit naatsorsuutigineqarpa?

Aningaasaqarnermut Akileraartarnermullu Ataatsimiititaliap aalajangiinera

Aningaasaqarnermut Akileraartarnermullu Ataatsimiititaliami amerlanerussuteqartut Siumumiit, Inuit Ataqtigiinnit kiisalu Demokraatiniit ilaasortaatitat qulaani allassimasutut oqaaseqaateqarlutik Naalakkersuisunit inassuteqaat **akuersissutigaat**.

Aningaasaqarnermut Akileraartarnermullu Ataatsimiititaliami ikinnerussuteqartup Partii Naleqqamit ilaasortaaitap qulaani allassimasutut oqaaseqaateqarluni apeqquteqarlunilu Naalakkersuisunit inassuteqaatip akuersissutigineqarnissaa **itigartitsissutigaa**.

Inussiarnersumik



Karl Kristian Kruse

Aningaasaqarnermut Akileraartarnermullu Ataatsimiititaliamut Siulittaasoq